

Vg  
6513



QJ

QK




QK. 260,1.

Vg  
6573

**E**ine klag vnd trost=  
schriffte / von dem Christlichen ab=  
schied vnd Begrebnis / des Ehrwürdigen  
vnd Hochgelerten Herrn Philippi  
Melanthonis / welche zu Witte=  
berg den xxi. tag Aprilis /  
Lateinisch öffentlich an=  
geschlagen / vnd hie zu  
Nürnberg ver=  
deudscht wor=  
den ist.



1560.



QK. 260.

[Cat. IV, 430.]

Nicolaus Albi  
patri suo car.  
1560.



Faint, illegible text, likely bleed-through from the reverse side of the page.



Faint, illegible text, likely bleed-through from the reverse side of the page.



*Nicolaus...*  
Faint handwritten text in the bottom left corner.

da  
sei  
we  
no  
vn  
sey  
sch  
we  
gr  
ch  
bi  
tr  
od  
m  
ri  
de  
al  
lic  
ve  
so  
fe  
we  
no



6

## Rector der Vniuersitet Witteberg.

**S**chreibe uns Syrach eine ganz Christliche  
vnd nützliche vermanung / wenn vns je-  
mand von den vnsern / es sey Weib / Kind /  
Gesind / oder sonst gute freund / die vns im  
leben lieb gewesen sind / mit tod abgehen /  
das vnser trawren vber inen nicht ein ericht trawren  
sein sol / wie bey den Heiden der alten Weiber trawren  
war / die man vmb gelt darzu pflegte zu mieten / vnd  
noch vnter dem Babsthumb der gemieten Mönchen  
vnd Pfaffen trawren ist / Sondern das es ernstlich  
sey / vnd gleich wol sein mas habe / vnd den Leib nicht  
schwache / da er im 38. Cap. also spricht: Mein Kind /  
wenn einer stirbt / so beweine in / vnd klag in / als sey dir  
gros leid geschehen / vnd verhülle seinen Leib gebürli-  
cher weis / vnd bestate in ehrlich zum Grab / Du solt  
bitterlich weinen / vnd hertzlich betrübt sein / vnd leid  
tragen / darnach er gewest ist / zum wenigsten ein tag  
oder zween / auff das man nicht vbel von dir reden  
mag / vnd tröste dich auch wider / das du nicht traw-  
rig werdest / denn von trawren kompt der Todt / vnd  
des hertzen trawrigkeit schwachet die kreffte / Straffe  
also Syrach in diesem Spruch beides zusammen. Erst-  
lich die Roheit vnd hartigkeit / deren die sich iher  
verwandren tödlichen abgang nichts bewegen lassen /  
sondern schreien vnd geben für / es stehe keinem dapf-  
fern Man / viel weniger einem Christen wol an / das er  
weine oder sich mercken las / das er trawrig sey / Dar-  
nach auch / wenn man allzu sehr trawren / vnd keinen  
A ij cross

trost fassen oder zu lassen wil / damit denn die gesund-  
heit verletzt / vñ Gott hefftig erzürnet wird / der da wil /  
das wir seinem rath folgen / vns zu frieden geben / vnd  
nicht wider seinen gerechten vnd gnedigen willen / der  
doch allezeit der beste ist / mit vngedult murren sollen.

¶ Jeweil aber der Allmechtige vnd gütige Gott  
vorgestern vnsern lieben Vater / vnd Preceptorem den  
Herrn Philippum Melanthonem / dieser Vniuersitet /  
vnd gemeiner studien Obersten Regenten / mit einem  
seligen End / welchs einem sanfften schlaff ehlicher /  
denn einem sterben gewest / gnediglich von diesem  
Jammertahl abgefoddert hat / so sind on zweiffel alle  
verstendige dermassen bekümmert / das man niemand  
weiter zu klagen / vnd weinen bewegen darff / Son-  
dern wil viel mehr von nöten sein / das man die Leute  
vleißig tröste / vnd solchen schmerzen lindere / welches  
denn mir zufodderst ampts halben zu thun gebüren  
wölte / wenn ich nur bedencken oder finden köndte /  
was ich für linderung oder trost in dieser trawrigkeit  
brauchen müste / damit mein vnd ewer schmerz ge-  
lindert würde. Denn wenn ich bedenck / was für  
freundschaft vnd gemeinschaft ich mit diesem tewren  
Manne / von meinen jungen Jaren her gehabt / wie  
ein holdselige vnd liebe Gesellschaft mir das gewesen /  
wie Er mir gedienet / geholffen / geföddert / Vnd mich  
in summa allenthalben trewlich fortgesetzt hat / so ist  
mirs vnmöglich / das ich nicht vber dieses fromen vnd  
tewren Mannes abschied solt hertzlich bekümmernis  
vnd schmerzen fülen. Nu hat er sich aber nicht allein  
gegen mir so freundlich vnd wol gehalten / Sondern  
er ist auch gegen den andern allen also gesinnet ge-  
west /

7  
west / das er nach seiner gütigkeit einem jeden dienst-  
lich vnd förderlich geweest ist. Wir wissen auch das  
er so woltherig gewesen / das er von allem dem / das  
er gehabt vnd vermocht hat / nicht im selbst vnd den  
seinen allein hat dienen wollen / sondern er hat dauon  
jederman / auch geringen Leuten / darzu oft denen /  
die es nicht werd waren / gedienet. Dieweil denn des  
Mannes miltigkeit / die niemand nachthun kan / mit  
geben vnd dienen / sich sehr weit erstreckt hat / so ist  
kein zweifel / es wird sein abgang viel Leute so bewes-  
gen / das sie werden sagen vnd bekennen müssen / das  
wir / die wir von vnser Jugend her neben im gelebt vnd  
bey im alt worden sein / vnser trawrens vnd klagens  
grosse vnd hochwichtige vrsach haben.

Es ist aber der schmerz vnd die trawrigkeit /  
die ein jeder für sich / vnd seines verlangens halben nach  
diesem Manne hat / nichts gegen dem gemeinen schad-  
den vnd fahr zu rechnen / dessen sich nach seinem ab-  
gang zubefürchten. Denn so wir der Kirchen vnd  
Schul schaden vnd fahr bedencken / so möcht ein jeder  
seines eigenen schadens gegen dem zurechnen / gern  
vergessen / auch die nicht ausgenommen / die im nahe  
verwand sein / vnd ires trawrens billicher vrsach zu ha-  
ben vermeinen. Denn es ist allen bewust / die allhie  
bey vns in studijs gelebt / mit was sorg / wachen vnd  
vleis Er der regirung dieser Schul fürgestanden / mit  
was grossem ernst er die studia erweckt / vnd gute künst  
widerumb herfür brachte hat / wie er viel vnd die schwer-  
sten Lectiones auff sich genommen hat / wie vleissig  
vnd vnuerseumlich Er in denselbigen fort gefahren /  
wie er alle arbeit weislich vnd ordentlich angereilet  
A ij hat /

hat / wie er etlichen seinen Mitdienern furgeschrieben /  
wie sie ire Zuhörer fruchtbarlich leren solten / wie er als  
ten Professionibus auch in allen fürfallenden nöten in  
Emptern / vnd was sonst zu ehren zier / vnd wolstand  
dieser löblichen Vniuersitet gehört / gedienet hat. Vnd  
endlich / wie er alles für alle / was sonst etwan einem  
schweer vnd sawer worden were / allein gethan / vnd  
gleichwol alles freidig vnnnd vnuerdrossen ausgerich-  
tet hat. Auch wie er selbest andern seinen dienst / wo  
man seiner bedorfft / angeboten hat / Ehe er drumb  
gebeten worden ist.

Damit machet er auch / das die studia einen forto-  
gang gewonnen / hat seine mitdiener zur arbeit getrie-  
ben vnd offte schamrot gemacht / nicht mit hefftigem  
vnd bitterm schelten / das sie vnfleissig weren / oder der-  
gleichen / sondern mit seinem vleis vnd gutem Exem-  
pel / das er kein Lection versemet / vnd sich in seinem  
beruff niemand hindern lies.

Vnd ist das sonderlich dieser Schul sehr furtreg-  
lich gewest / das er von natur friedsam gewest / vnd mit  
seinem rath / vleis vnd geschicklichkeit / vneinigkeit / so  
viel möglich gewest / vermieden / Vnd wo etwan Zwis-  
spalt enestanden / dieselben schlichten / die Parten ver-  
sünen / vnd gemeinen Fried hat erhalten können / also /  
das / wenn er auch selbest schwerlich verletzt worden ist /  
nicht allein keinen hadder aus rachgier angefangen /  
sondern ist gedültig gewest / vnnnd hat auch seine feind  
vnd Lestere mit wolthaten oberwinden wollen / das  
keiner verletzung mehr gedacht würde. Wenn er  
auch vermerckt / das etwan vnter den Professoribus  
vneinigkeit entstanden ist / so hat er sich drein gelege  
mit



8

mit vermanung vnd bie / so viel zuwegen gebracht /  
das aller zant vnter jnen / che er zu krefftigen komen /  
hingelegt vnd vntergedruckt worden ist / das sie seinem  
Exempel nach mit den schwachen gedult gehabt / vnd  
vmb gemeines friedes willen sich miteinander freundo  
lich vertragen haben.

Was sol ich aber von den hohen vnd manigfelo  
rigen gaben sagen / damit in der gütige Gott so reich  
lich begabet hat? Das er so viel nützlicher Bücher  
hat lassen ausgehen / darinnen er alle stück der Philo  
sophia ganz herrlich erkläret / vnd sich dem Ehrwies  
digen Doctori Martino Luthero / welchen Gott sün  
derlich zu erklerung seines worts / erwecket / einen getre  
wen gehülffen erzeiget hat / dessen denn seine öffentliche  
Schrifte gnugsame zeugnis sein / Nachdem er aber die  
selbigen der ganzen Christlichen Kirchen vnters  
worffen / wollen wir auff dis mal dauon weiter nichts  
sagen.

Dieweil dann diese Schul vnd Kirchen / so eines  
gefasten / vleissigen / getrewen / vnd glückseligen Lerers  
vnd Regentens hülff vnd beystand beraubt ist / vnd ei  
nen grössern schaden entpfagen hat / denn jemand red  
den oder gedencen mag / so ist es billich / das ein jeder  
den schaden beherzige / vnd leid trage / der da verstet  
het / was an wolgeordneten vnd wol bestelten Schu  
len gelegen ist / Zu dem wird vnser schmerz auch ge  
mehret / das wir vns noch künfftiger vnglück befürch  
ten müssen / welche nu mehr leichter zuerregen / vnd  
herzu zu ziehen sein / dieweil der Man hinweg ist / der  
viel gemeines schadens mit seiner messigkeit / gedult /  
lindigkeit / autoritet / vnd auch emsigem vnd ernstem

A iij

Gebet

Gebet zu Gott / welches er nüchtern in rechtem gutem  
vnd beständigem gewissen für die ganze Kirchen / die  
se Schul / vnd sein Haus brünstiglich gethan / bisher  
abgewendet hat. So wisset jr auch denn Spruch  
Esaie des Propheten: Wenn Gott ein Land straffen/  
vnd ein vnglück schicken wolle / so neme er zuvor die  
fromen hinweg / auff das sie solchen jamer nicht se-  
hen / Wie denn die Exempel zu allen zeiten / vnd bey al-  
len Völkern anzeigen / das gemeinglich nach solcher  
Lerer tod / durch welche Gott etwas sonderlichs in  
seiner Kirchen ausgerichtet / ein grosses vnglück bald  
gefolget hab / sonderlich wo die verachtung solcher  
Lerer vnd gaben Gottes vberhand genommen hat /  
wie wir leider zu dieser zeit gesehen vnd erfahren / Das  
etliche diesen fromen / trewen vnd wolverdienten Man  
verachten / etliche schwenden / vnd schmehen / des  
nen er doch alles guts gethan hat / welchen one zweif-  
ffel vnser trawrigkeit vnd Klagen ein lieblich Spectac-  
kel vnd freudenspiel sein wird / darob sie Triumphiren  
vnd frolocken werden / das müssen wir aber Gott bes-  
fehlen. Diese forcht Künfftiger verenderung vnd ge-  
meiner straffen / der sich nach dem Tod dieses vnser  
lieben Vaters vnd Preceptoris / vnd anderer Gott-  
fürchtiger vnd wolverdienter Menner / die diese Schul  
vnd Land in kurzer zeit nacheinander verloren haben /  
zubefahren ist / machen vns vnser Kümmernis vnd  
schmerzen auch grösser / Das es vns also an dem wei-  
sen rath vnd vermanung Jesus Syrachs nicht feilet /  
so viel das beweinen dieses tödlichen abgangs vnser  
lieben Vaters vnd Preceptoris belanget / vnd wird vns  
niemand Stoischer hartigkeit beschuldigen können /  
so bedürffen

so bedürffen wir auch nicht gemitteter Weiber / die vns durch ire trawrige geberd / vnd genöthigte zeern zur trawrigkeit bewegen. Es steckt in vnserm hertzen vnd in vnserer Seel die gedechtnis dieses wolthetigen Gottes fürchtigen lieben werden Mannes vnd heilsamen Lehrers / die lest vns keinen frted noch ruhe / sondern erweckt vnd erregt für vnd für in vns die betrachtung vnser jammers vnd elends / die wir so einen gütigen vnd fromen Vater / so einen holdseligen mitdiener / ja so gar einen guten vnd lieben freund verlorn haben. Wann wir die lieben jugent / vnser Kirchen / vnser Collegia / vnser Buchladen ansehen / so erscheinet alenthalben seine gütigkeit vnd wolthetigkeit / das wir vnsern schmerzen nicht bergen / vnd des weinens vns nicht enthalten können.

So last vns nu hören das ander stück von Syrachs Lere / in welchem er haben wil / das wir vnser trawrigkeit vnd schmerzen also messigen sollen / das wir vns an vnserm leibe nicht selbs schaden thun / oder trawrig sein sollen / wie die Heiden / die kein hoffnung haben / vnd Gottes gütigen vnd gnedigen willen in allen seinen wercken nicht kennen / vnd derhalben in solchen fellen mit vngedult wider Gott murren / vnd in als einen vngerechten Richter vnd Tyrannen anklagen / von welchen lesterlichen Worten vnd gedanken vnser ohren vnd hertzen eine schew haben sollen / als die wir wissen / das Gott auch in seinem zorn an seine Barmhertzigkeit gedencet / vnd vns auch in der straff gutes thut / vnd je grösser die straff ist wider mutwilligen vnd vndanckbarn Kinder / je grösser auch hernachmals die Väterliche lieb wird / wenn die Kinder from werden/

B

werden/



werden/das er sie auch mit Gaben zieret/wie denn solches  
ein jeder Hausvater in seinem Haus erferet / wenn er  
seine Kinder züchtiget/vnd sie nach der ruten gehorsam  
mer vñ frömer worden sein/so spricht er inen sein freund  
lich zu / vnd erzeiget sein Väterliche neigung vnd lieb  
offt hernachmals gegen inen mehr denn vorhin.

Darumb sollen seine nechstvermandte / als Kin  
der/freund/vnd Schweger / vnd wir andern / so freunds  
lich mit im gelebt / vnser trawrigkeit messigen / vnd die  
schmerzen mit denen gedanken lindern/das wir wissen/  
das er auch sterblich gewesen / Vnd ist sich zuerwun  
dern / das er bey solcher mühe vnd arbeit / sorg vnd  
angst / da er stets im Kampff mit öffentlichen feinden/  
vnd falschen freunden gestanden / gleichwol ein solch  
alter erreicht vnd bis in das 64. Jar gelebt hat / nach  
dem er auch one das geringes leibs gewesen / vnd darzu  
vom Stein offt hart geplagt worden ist/vñ sind trawen  
ir wenig/auch starcker Leat/die das ziel erreichen. Aber  
Gott hat inen one zweiffel seiner lieben Kirchen zum  
besten aus vorbit frommer Christlicher hertzen sonder  
lich erhalten.

So haben wir zwar auch alle gesehen / wie er  
sein mühselig leben gefüret hat / in steter arbeit / in ste  
ter mühe vnd Kummernis / in viel wachen / in vielem  
leiden/in viel verfolgungen/das frembde vnd ein heimli  
sche feind vnd falsche freund / auch seine eigene discipel  
one end auff den guten fromen Man gelawert heimo  
lich vnd öffentlich auff in gestochen / gescholten / ge  
schmecht vnd gelestert haben / das er mit dem lieben  
Aelvater Jacob hette billich sagen mögen: Die tage  
meiner

10  
meiner walfart auff Erden sind kurz vnd böse gewes-  
sen / So ist er gestorben / wie man von Abraham / Isaac  
vnd andern schreibe / Schwach / vor alter ganz müde /  
vnd sat dieses lebens / wie wir in denn offte haben hören  
sagen / in vnd vor der krankheit / das er wol empfinde /  
das seine krefft sehr abnemen / Doch / sagt er / geschehe  
was Gott wil / wil er mich lenger haben / so wil ich im  
dienen / so viel ich kan / wo aber nicht / so bin ich auch gar  
wol mit im zufrieden / vnd halt dafür / wenn es Gottes  
wille were / so solt ich mir nichts liebers denn einen frö-  
lichen abschied wünschen.

Er ist auch also verschieden / das keiner nichts  
bessers wünschen köndte / denn das in Gott nach ero-  
kennnis seines lieben Sons vnser Herrn Ihesu Chris-  
ti / in einem so feinen ruigen vnd stillen gewissen aus  
diesem elenden vnd jemmerlichem leben abfoddern /  
vnd also einen sanfften vnd frölichen abscheid in rech-  
ter anruffung / wie wir von im vnserm lieben Vater  
vnd Preceptore gesehen / verleihen vnd geben wolt.  
Denn er sich vnd vns / die wir in besucht haben / in sei-  
ner krankheit / vnd trawrig waren / mit Gottes Wort  
vnd verkündigung seines willens vnd seiner gnedigen  
verheissung gar herzlich vnd wunder schön getröster  
hat / auch öffentlich nicht ein mal / sondern offte ge-  
sagt / Er hette vor sein Person gang vnd gar keine an-  
sechtung / Sondern die vnheilsame vnd schedliche  
spaltung in der Kirchen ging im allein zu hertzen / die  
da allein aus lauter neid vnd bitterkeit / vnd etlicher  
boshafter Lent Sophisterey entstanden were / dar-  
aus noch der Kirchen vnd Weltlichen regimenten  
mehrig grosse schade erfolgen würde. Er bat auch Gott

B ij von

von hertzen in gegenwert vieler leut / das er selbs die wunden seiner Kirchen heilen / vnd die versamlung Christlicher Lerer vnd Zuhörer der reinen Lere des Euangelij gnediglich erhalten wolt / vnd hat seiner beständigen bekenntnis sichtbarliche vnd vernemliche zeichen sehen vnd hören lassen / so lang ein adem inn im gewesen ist / vnd ist also seliglich entschlaffen / nach dem das dreitagig Siben zum siebenden mal wider komen / vnd die krefft also geschwecht worden sein / das er sich nicht mehr vermocht hat / auch der athem so kurz worden ist / das er endlich ausgieng wie ein liecht / Doch waren die sinne vnd verstand in im noch alle volkömlich vnuerückt / bis in die Seel ausgieng / welches viel ansehlicher ehrlicher leut selbs angesehen vnd mit warheit zeugen können.

Einen solchen feinen Gottseligen vnd sanfften abschied vnd erledigung aus diesem mühseligen betrübt vnd jemerlichem leben sollen wir im ja alle lieber gönnen / denn mit vngedult trawren / vnd alle miteinander Gott bitten / das vns Gott auch in so feinem ruhigem gewissen / vnd solcher beständigkeit des glaubens vnd bekenntnis / auch in so ernstlicher anrufung aus diesem gefengnis erledigen / vnd zu sich in sein ewig reich nemen wolle.

Ja du sprichst aber nichts desto weniger / Aus gleichwol diese Schul vnd Kirchen dieses tewren vnd Christlichen Lerers beraubt sein? War ist es / der schad ist gros / vnd mögen andere beschwerlichkeiten vnd vbel folgen / welche vielleicht unsere vndanckbarkeit  
Feit

16  
Zeit vnd misbreuch solcher Gaben Gottes / damit wir  
Gott manigfaltig erzürnet / verursacht haben / das sie  
vns wol ehe vber den Hals komen möchten / denn je-  
mand dencken mag.

Lasset vns aber vnserer manigfaltige vndanck-  
barkeit / vberdrüssigkeit vnd misbrauch gegenwertiger  
güter vnd Gaben / damit wir warlich die straffen wol  
verdienenet / von Herzen beklagen / vnd Gott bitten / das  
er vns nach seiner vterlichen gnad vnd barmherzig-  
keit vnserer sünd verzeihen / vnd vnserer Herzen durch sei-  
nen heiligen Geist regieren wölle / das wir das liecht  
seines worts / das er vns aus gnaden durch diese Men-  
ner / seine auserwelte Werckzeug / wider angezündt /  
geschenckt vnd gegeben hat / mit ehreerbietung anneh-  
men / erhalten / vnd zu seines Göttlichen Namens lob  
vnd ehr / vnd zu besserung vnserer lebens recht brau-  
chen / Vnd last vns auch diese Lere / die wir noch ha-  
ben / ehren / vnd iren trewen vermanungen mit ehre-  
erbietung gehorsam sein. Last vns auch trewlich vnd  
ernstlich zusammen setzen mit vnserm gebet / das Gott  
zukünfftige vbel abwenden / den gegenwertigen lind-  
ern / vnd die Kirchen vnd Schulen / darinnen Gottes  
wort lauter vnd rein geletet vñ geprediget wird / erhal-  
ten wölle. Vnd last vns zusehen / das vnser ein jeder  
an seinem ort getrewlich vnd recht lere / Die Zuhörer  
aber der lere sich mit ernst annemen vnd vleissig lernen /  
das wir also zu beiden teilen recht vnd Gottselig leben /  
vnd vnsern gehorsam Gott erzeigen mügen / Vnd wart-  
te ein jeder hülff / schutz vnd warhafftigen trost von  
dem Son Gottes vnserm HERN Ihesu Christo / der  
seiner Kirchen zugesagt hat / das er sie nicht wölle ver-  
lassen /

lassen / wie er denn spricht. Ich wil euch nicht waisen  
lassen / Item ich wil allezeit bey euch sein bis zum end  
der Welt. Es werden Christliche vnd heilsame Lere  
die iren lauff den inen Gott befohlen / volbracht vnd  
je ampt treulich ausgericht haben hinweg genomen/  
oder darumb verlest der Son Gottes sein Kirchen  
noch nicht / welcher noch zur rechten seines Himli-  
schen Vaters sitzt / das er den Menschen gaben gebe/  
Apostel / Propheten / Euangelisten / Hirten vnd Lere-  
rer die er nicht plözlich mit hohen vbertrefflichen ga-  
ben erhebt / Sondern in Christlichem brauch vnd  
vbung / mehret er die gaben wie wir in der erfahrung  
haben.

Wd wiewol solche vbertreffliche Menner wie  
Lutherns vnd Melanthon sampt etlichen andern Lere-  
ren dieser zeit gewesen sein / die auch nu mehr in Gott  
seliglichen verschieden / schwerlich hinfurt zu hoffen  
sein werden / So sollen wir doch nicht zweiffeln Gott  
werde auch durch die schwachen sein sterck beweisen/  
vnd ime durch den mund der vnmündigen ein lob be-  
reiten / wenn wir nur in vnserm beruff treulich fortfa-  
ren / vnd diese Himlische güter vnd gaben mit ernstem  
vnd brünstigem flehen von dem Son Gottes / der da  
regirt vnd durch sein Krafft / das Predigamt vnd  
sein heilige Christliche Kirchen erhalt / bitten / vnd vn-  
ser notdurfft bey im allein suchen werden.

So sollen wir auch nicht zweiffeln / es werden  
viel Gottfürchtiger weiser gelehrter vnd firtrefflicher  
Menner / die da die gaben Gottes so durch vnsern lie-  
ben



12

ben Herrn Preceptorem der Kirchen geschenckt vnd  
gegeben hat / betrachten / auch bedencken / was  
für wolthaten sie vnd andere von im empfangen haben/  
ein gros mitleiden haben / vnd mit vns allen von  
herzen bekümmert sein / vber dieses theuern vnd wer  
den Mannes abgang / denn ob es wol mit ime als  
auch einem sterblichen Menschen nicht anders hat  
sein können / so ist er doch vns vnd der ganzen Christo  
lichen Kirchen allzuzeitlich entfallen / dieselbigen guts  
herzigen vnd fromen Leute werden on zweiffel auch  
ir Gebet zu vnserm setzen / Vnd mit vns den ewigen  
Vater vnser Herrn Ihesu Christi bitten / das er die  
se Schul vnd Kirchen der darinne viel Jar her seiner  
Leute sind erzogen worden / welche nu hin vnd wi  
der in regimenten / Kirchen vnd Schulen nützlich die  
nen / hinfürder auch gnediglich behüten / regiren vnd  
erhalten wol / das die reine Lere des Heiligen Euang  
gelij / vnd andere notwendige Kunst im Menschlichen  
Geschlecht / vnd der Kirchen noch ein lange zeit grü  
nen vnd weit ausgebreitet werden mögen. Es wird  
auch on zweiffel der Durchleuchtig vnd Hochge  
borne Augustus Herzog zu Sachsen des Heiligen  
Römischen Reichs Erzmarschalck vnd Churfürst  
vnser gnedigster Herr darauff bedacht sein / wie diese  
Schul widerumb mit Leuten versorgt / vnd bestelt  
werden möge / wie wir denn aus öffentlichen zeugniss  
en zu seiner Churfürst. gnaden die zuuersicht gewon  
nen / das sie diese Schul aus welcher sich das Liecht  
reiner Lere in die ganze Christenheit ausgebreitet  
hat / gnedig schützen vnd erhalten werden.

B iij.

SS

So wollen auch wir / als die Gott nach vnfers  
lieben Vaters vnd Preceptoris tod hat bey leben erhal-  
ten wöllen / ob wir wol bekennen müssen / das wir wes-  
der jm / noch den andern seligen an gaben nicht gleich  
sein / gleichwol höchsten vleis ankeren / das wir der  
Jugent Christliche heilsame vnd reine Lere des worts/  
wie wir die von den ehrwürdigen vnsern lieben Vetern  
vnd Preceptoribus Luthero / Jona / Bugenhagio/  
Crucigero vnd Philippo empfangen haben / vnd wiss-  
sen / das dieselbige mit der Propheten vnd Apostel Le-  
re / mit den Symbolis vnd dieser Kirchen Confession /  
die jm 1530. Jar zu Augsburg vberantwort / vberrein-  
stimmet / sampt andern guten künsten getrewlich vnd  
rein widerumb leren / vnd vber guter zucht oder Disci-  
plin / so viel vns immer möglich ist / trewlich halten /  
Welches vns denn leichter zu thun sein wird / wenn sich  
die jugent nach vnsern trewen vnd veterlichen verma-  
nungen / wie sichs gebüret / richten vnd halten wird /  
wie wir vns denn auch genzlichen zu jnen versehen wol-  
len / sie werdens an jrer besserung / zucht vnd vleis  
nicht mangeln lassen / damit man spüre vnd innen  
werde / das jnen solcher Leut abgang als ein zeichen  
des zorns Gottes zu hertzen gehe / Werden auch Gott  
ernstlich helfen bitten / das er fürfallende gemeine  
not gnediglich lindern wölle / wie sie denn hören / wie  
jr lieber Herr vnd Preceptor Philippus in todes nören  
sich mehr vmb die Kirchen / Schul vnd Studenten /  
denn vmb sein eigen not bekümmert hat / darumb er  
auch für sie alle so inniglich vnd oft gebetet hat. Die-  
sem lasset vns für seine vnendliche wolthaten / die  
gros vnd derselbigen viel gewesen sein / diesen letzten  
vnd

vnd geringen / aber doch Christlichen dienst erzeigen /  
 das wir seine Leich zum grab beleiten / vnd mit dem  
 gehorsam bezeugen / das wir seiner wolthaten inges  
 denck sein wollen / vnd das vns seiner Kinder vnd ges  
 freunden elend zu hertzen gebe. Ir sollet aber heut  
 Kurtz vor zweien schlegeln fur des Herrn Philippi haus  
 zusammen komen / wenn man die grossen glocken leut  
 ten wird / das jr mit der Leich in die Pfarrkirchen gehet /  
 da wird mand ein kurze vermanung thun von der  
 hoffnung vnserer aufferstehung / darnach solt jr der  
 Leich widerumb folgen in die Schloßkirchen / vnd alda  
 sein züchtig vnd erbar / nicht an die obersten orter /  
 sondern wie sichs einem jeden nach seinem stand ge  
 büret / tretten / vnd die Orationem funebrem anhören /  
 vnd ewer gebet neben den alten thun / vnd mit vns zu  
 gleich vmb schutz vnd erhaltung Christlicher lere vnd  
 gemeine studia die Schul vnd Kirchen bitten.

Vnd wir vermanen euch Schloasticos / vnd bit  
 ten euch vmb Gottes willen / das jr in der ganzen Cer  
 remonia bey diesem begrebnis sein still vnd züchtig sein  
 wolt / vnd nicht mit vnordentlichem hin vnd wider  
 lauffen / dringen vnd stossen / die ordnung so man in  
 solchen versamlungen zu halten pflegt / hindern /  
 Denn hie sol man viel mehr betrachten / was man ver  
 loren / vnd hinfurt weiter zu gewarten hab / denn das  
 da einer etwas neues sehen wölle. Ir sehet das erli  
 che Professores von Leipzig / etliche vom Adel in der  
 nehe / etliche Pfarherrn vnd andere ehrliche frome  
 leute / welche aus hertzlichem mitleiden vō Leipzig vnd  
 andern fernern ortern hieher gezogen / vff das sie mit irer  
 C gegen



gegenwert bezeugeten / das sie viel vnd gros von vnserm Preceptore gehalten / vnd die inen vnser vnd dieser Kirchen vnd Schul elend hoch zu gemüt zögen / auff die sol man billich sehen / vnd inen in der Leich process einen ehrlichen ort vnd stand lassen / auff das sie nicht bey den iren vber vnser vnordnung / vnd der Jugent vnuerschamheit / fürwitz / Bwerische mores vnd verachtung aller stend / zucht vnd erbarkeit billich zu Klagen haben mögen. Es wil der heilig Apostel Paulus / das alles in der Kirchen sein ordentlich zu gehe / so wist jr euch auch zu erinnern / wie vleissig vnd ernstlich euch dieser vnser lieber Herr vnd Preceptor / des leib wir heut zur erden bestatten / offte vermanet hat / das jr euch solt ordnung / zucht vnd erbarkeit in allen dingen lassen lieb sein / Derselbigen Christlichen vermanung seid jrzt ingedenck / vnd ibeweist dieselbigen tugenden in seinem begrebnis / vnd gebt solche zeichen vnd zeugnis ewrer lieb vnd ehreerbietung gegen diesem fromen vnd Christlichem Vater von euch / wie denn solches einem jeden wol anstehen / eignen vnd gebüren wil.

Vnd wir bitten euch widerumb vnd zum andern mal vmb Gottes willen / jr wollet den Grauen / frembden Leuten / den Professoribus aus allen Faculteten / den Burgermeistern vnd Rahtspersonen / denen vom Adel / alten gelerten vnd andern ehrlichen Mennern / welchen man ehr erzeigen sol / raum geben / vnd folget denen sein still vnd züchtig nach / vier vnd vier / oder fünff vnd fünff / vnd drenget nicht / damit jr den schwachen vnter euch nicht schaden thut / Dieses solt jr alles selbs bedencken vnd thun / wenn euch gleich niemand vermanet /

manet/ vnd dencke/ an den Spruch Pauli/ der da sagt/  
Ewer messigkeit sey kunt jederman. Gegeben den  
21. tag Aprilis / da wir vor zweien Jaren auch mit  
grosser trawrigkeit den fromen Gottfürchtigen Christo-  
lichen vnd geleerten alten Wan Herrn Doctor Pomern  
seligen vnsern Pfarherrn/ der sich vmb diese Kirchen  
vnd Schul woluerdient hat/ zur erden bestattet  
haben/ Der allmechtige Gott verleihe inen  
durch seinen lieben Son vnsern HERN  
Ihesum Christum eine fröliche auff-  
erstehung/ vnd helffe vns nach  
seinem Göttlichen gnedig-  
gen willen seliglich  
hinach/

A M L N.



Vg 8573 OA

Ioannes, A



X 2206817

es, 111









K. 260, 1

Vg  
6513

**E**ine klag vnd trost-  
schrifft / von dem Christlichen ab-  
schied vnd Begrebnis / des Ehrwürdigen  
vnd Hochgelerten Herrn Philippi  
Melanthonis / welche zu Witte-  
berg den xxi. tag Aprilis /  
Lateinisch öffentlich an-  
geschlagen / vnd hie zu  
Nürnberg ver-  
deuscht wor-  
den ist.



1560.  
BIBLIOTHECA  
PONICKAVIANA

K. 260.

[Cat. IV, 430.]

Nicolaus Albi  
patris sui  
ca.

